



## **Lehiaren Euskal Agintaritzak ehun espediente inguru egin ditu 2018an zehar**

Lehiaren kontrako ustezko 37 jokabide eta lehia sustatzeko 63 jarduketa aztertu dira.

Elkargo profesionalekin eta kontratazio publikoarekin erlazionatutako kasuek defentsa jarduketa guztien %38 hartzen dute.

BILBON, 2019ko urtarrilaren 24an/ **2018. urtean zehar, Lehiaren Euskal Agintaritzak (LEA/AVC) 100 espedientetan egin du lan –aurreko urtean baino %10 gehiago–. Espediente horietan defentsa, lehiaren sustapen eta inpugnazio eginkizunak bete ditu. Elkargo profesionalek eta kontratazio publikoek zentratu dute arreta kasuen %38, eta administrazio erregulazioa hobetzera zuzendutako txosten arauemaileak %11 izan dira. Turismoaren eta garraioaren sektoreek hartu dute kasuen %15, eta kopuru horretan islatzen da, baita ere, plataforma digitalak agertzetik sortutako arazoa.**

**Lehiaren defentsarako** lanean –tramitazio prozedura zorrotzaren menpe– lehiaren kontrako ustezko 37 jokabide aztertu dira. Horietatik 9k Lehiaren Euskal Kontseiluaren ebazpena jaso dute. Espedienteen artean azpimarragarria da autoeskolen sektoreko kartela, kontsumitzaileei aplikatzen zizkieten tarifei buruzko akordioa dela eta 4 enpresa zigortu baitira.

Elkargo profesionalak eta kontratazio publikoa ia defentsa kasuen erdian egon dira, 2017ko antzeko proportzioan.

Halaber, bere eskumenak gauzatu, Agintaritzak 4 operadore ekonomikoren egoitzak ikuskatu ditu. Horrez gain, Nafarroako Gobernuarekin lankidetzan ari da, 2 enpresatara zuzendutako ikuskapenean.

LEA/AVCk ezarri dituen zehapenei dagokienez, 2018an, Euskadiko Diruzaintza Orokorrak – Euskadiko Autonomia Erkidegoko Administrazioaren diru-bilketaren arduradunak– 4.800.000 € inguru jaso ditu, kontzeptu hori dela eta.

**Lehiaren sustapen jarduerari edo *Advocacy*** izenekoari dagokienez, Agintaritzak 63 espedientetan egin du lan –2017an baino 15 gehiago–, eta presentzia garrantzitsua izan du kontratazio publikoari, arautegiari eta elkargo eta zerbitzu profesionalei buruzkoetan. LEA/AVCk, enpresa sektorearen eta herritarren kontsulta ugari ere erantzun ditu.



Amaitzeko, azpimarratu behar da LEA/AVCk gaurkotasuna duten gaiei buruzko zenbait azterlan argitaratu eta zabaldu dituela: “Kontratazio Publikoari eta Lehiari buruzko Gida”; “Alokairu turistikoko etxebizitzaren erregulazioaren praktika hobeei eta analisi konparatiboari buruzko azterlana”; “Lehia prozesuan datu asko erabiltzearen eragina”; eta “Clemencia, kartelen kontrako borroka” triptikoa.

### **Lehiaren Euskal Agintaritza**

Lehiaren Euskal Agintaritza, administrazio izaera duen erakunde autonomoa da, Eusko Jaurlaritzako Ogasun eta Finantza Sailari atxikia, eta erakunde eta funtzio autonomia du bere eginkizunak betetzeko Euskal Autonomia Erkidegoan. Bere helburu orokorra merkatuko lehia askearen eta gardentasunaren baldintzak sustatzea, bermatzea eta hobetzea da, Euskal Autonomia Erkidegoan egiten diren jarduera ekonomikoei dagokienez.